

# যুক্তির ডাক

একাক্ষ নাটক—এক দৃশ্যে সম্পূর্ণ

প্রথম অভিনয়-রঙ্গনী, ষ্টার থিয়েটার

যশ্বন্ত রায় বি-এ

গুরুদাস চট্টোপাধ্যায় এণ্ড সন্স.

২০৩।১।১, কর্ণওয়ালিস্ স্ট্রীট, কলিকাতা ।

জ্যৈষ্ঠ—১৩৩১

মূল্য ১/০ ছয় আনা মাত্র

১৯৪০ খ্রিস্টাব্দ



## মুখবন্ধ

‘মুক্তির ডাকে’ ইতিহাসের নিত্য অস্পষ্ট ছায়াপাত হইলেও ইহাকে এক কাল্পনিক চিত্ররূপে গ্রহণ করিলে ঐতিহাসিকগণও নিরুদ্বেগে থাকিতে পারিবেন এবং আমিও বাঁচিয়া যাইব ।

শ্রীযুক্ত নরেশচন্দ্র সেন গুপ্ত এম, এ, ডি, এল্ মহাশয়ের অনুগ্রহে ইহা শ্রীযুক্ত হরিদাস চট্টোপাধ্যায় মহাশয়ের দৃষ্টি আকর্ষণ করে ও পরে শ্রীযুক্ত চট্টোপাধ্যায় মহাশয়ের চেষ্টায় ইহা গত বড়দিনে ষ্টার থিয়েটারে মহাসমারে...হ অভিনীত হয় । আমার এই সৌভাগ্যের জন্ত আমি ইহাদের উভয়ের নিকটই আত্মীয়তা পাই রহিব ।

সুপ্রসিদ্ধ লেখক শ্রীযুক্ত নরেন্দ্র দেব মহাশয় এই নাটক অভিনয়ের জন্ত অনুগ্রহ করিয়া তিনটি সঙ্গীত রচনা করিয়া দিয়া আমাকে অপরিমিত কৃতজ্ঞতা-পাশে বদ্ধ করিয়াছেন ।

মোলপূর্ণিমা, ১৩৩০ ।

অগ্নীধ হাল, রমনা, ঢাকা ।

{ শ্রীমন্মথ রায় ।



শ্রীযুক্ত নরেশচন্দ্র সেনগুপ্ত এম, এ, ডি, এল  
শ্রীচরণেষু

■

## পরিচয় পত্রিকা

শ্রীবৃদ্ধ	১		
বিবিসার	...	...	মগধাধিপতি ।
সুন্দরক	...	...	কৃত সর্বস্ব শ্রেষ্ঠীযুবক ।
সুচিত্র	১ ...	...	ভিক্ষু ।
অম্বা	...	...	বারাঙ্গনা-শ্রেষ্ঠা ।
পদ্মা	...	...	সুচিত্র-নন্দিনী
	২		[ সুন্দরক পত্নী ]

সংযোগস্থল সুন্দরক শ্রেষ্ঠীর “বিলাস-কুঞ্জ”

দ্রষ্টব্য ঃ—অভিনয় কালে এই নাটকের কিয়দংশ  
পরিত্যক্ত এবং পরিবর্তিত হয় ।





# মুক্তির ডাক

## দৃশ্য

শ্রেষ্ঠী ভবন। শাল-তাগ-পিয়াল পরিবেষ্টিত দ্বিতল  
প্রাসাদের নিম্নভলে মাঝখানে উপবেশন কক্ষ। তাতার  
দক্ষিণ ও বামপার্শ্বে তদপেক্ষা ক্ষুদ্রায়তন আর দুইটি কক্ষ।  
পশ্চাতে বিস্তৃত অগ্নিদ। শেষোক্ত কক্ষ দুইটির দুইটি  
দরজা—একটি উপবেশন কক্ষে ও অত্রটি অগ্নিদেব সজ্জিত  
যুক্ত। অগ্নিদ হইতে দ্বিতলে যাইবার জন্য প্রশস্ত সোপান  
শ্রেণী। প্রাসাদের সম্মুখে পাষাণ বাঁধান আঁকা বাঁকা  
সরু পথের ধারে ধারে কুঞ্জ বীথি।

গৃহস্বামী এক তরুণ শ্রেষ্ঠী যুবক

নাম “সুন্দরক”।

গৃহ স্বামিনী এক কিশোরী

নাম “পদ্মা”।

প্রাসাদে কারুকার্যের অভাব নাই। বাসভবন হইলেও ইহা "বিলাস কুঞ্জ" নামে খ্যাত ছিল।

চৈত্রের সন্ধ্যারাত। পূর্ণিমার চাঁদ তাল পাতার ফাঁকে ফাঁকে সবে মাত্র জ্যোৎস্না ছড়াইয়াছে। দধিন হাওয়া তারার সঙ্গে যোগ দিয়াছে।

ঐ প্রাসাদের নিম্নতলের একধারের একটি কক্ষ উন্মুক্ত বাতায়ন পার্শ্বে এক পালঙ্কের উপর অঙ্কশয়ানা পদ্মা।

পদ্মা বাতায়ন পথে,—মলয়-চঞ্চল তাল পত্রের আড়ালে আড়ালে চাঁদের লুকোচুরি খেলা দেখিতে ছিলেন—আর গাহিতে ছিলেন—

### গান

মম ব্যর্থ জীবন গতিহীন।

কঁাদে বন্ধন মাঝে নিশিদিন ॥

হেথা ক্ষুধা দিগন্তর ঘেরি—

সদা মল্লিত কন্দন ভেরী

মম চিত্ত মুকুল ফুল কুঞ্জে

ব্যথা মর্গরি নির্মম শুভ্রে,—

কুক কুধিত প্রেম বঞ্চিত অন্তরে,

স্বপ্ন বিকল তুঃখ পুঞ্জে,—

গাহে অঁাধিনীরে, ধীরে হৃদিবীণ ॥

উপবেশন কক্ষে দর্পণ সম্মুখে তাঁহার স্বামী “সুন্দরক”  
প্রসাধন রত ছিলেন। তাঁহার ভাব ভঙ্গীতে কি জানি  
একটা ব্যস্ততা লক্ষিত হইতে ছিল।

সুন্দরক। [ প্রসাধনান্তে ধীরে ধীরে পদ্মার পাশে আসিয়া  
বসিয়া তাঁহার হাত দুখানি নিজের হাতের মধ্যে  
আনিয়া মিনতিপূর্ণ স্বরে ].....পদ্মা।

পদ্মা। কি ?

সুন্দরক। রাগ করেছ ?

পদ্মা। [ সুন্দরকের দিকে তাকাইয়া ছিলেন, কিন্তু তাঁহার  
কথা শুনিয়াই মুখ ফিরাইয়া বাতায়ন পথে তাকাইয়া ]  
—রাগ করে লাভ ?

সুন্দরক। [ পদ্মার দেহলতার উপর হেলিয়া পড়িয়া  
তাঁহার মুখোমুখী হইয়া ]—লাভ লোকমান বুঝিনে।  
রাগ করেছ কিনা সেইটে জান্তে চাই—

পদ্মা। [ আনত চক্ষে, ধীর স্বরে ]—যাও আর বিরক্ত  
করো না—

সুন্দরক। [ অবিচলিত ভাবে ] আমি কি তোমার চক্ষুশূল ?

পদ্মা। [ নীরবে রহিলেন ]

সুন্দরক। তবে আমাকে বিবাহ করেছিলে কেন পদ্মা ?

পদ্মা। [ তথাপি নীরবে রহিলেন ]

সুন্দরক । [ পদ্মাকে ঝাকি দিয়া ] বল-বল তোমার বলতে  
হবে—

পদ্মা । জানো আমার শরীর ভাল নয়—

সুন্দরক । তা আমি বৈজ্ঞ ডেকে আনছি...এখনি আনছি  
.....তোমার সিন্দুকের চাবিটা দাও ।

পদ্মা । সিন্দুকের চাবি কেন ?

সুন্দরক । বৈজ্ঞের দর্শনী, ঔষধের মূল্য....

পদ্মা । আমার চিকিৎসার প্রয়োজন নেই ।

সুন্দরক । ও.. তুমি তবে আমার বিশ্বাস করছনা ?

পদ্মা । বহুবার যে ঠেকে শিখেছে...বিশ্বাস যদি আজ সে  
না করতে পারে, তবে.....

সুন্দরক । বটে ! বেশ, তবে আমি খোলাখুলিই বলছি  
—আজ রাতেই আমার দশ সহস্র স্বর্ণ মুদ্রার প্রয়োজন  
—এ আমার চাই-ই চাই...না পেলেই হবে না ।

পদ্মা । তা একথা আমাকে বলে লাভ ?

সুন্দরক । এ অর্থ তোমাকেই দিতে হবে ।

পদ্মা । [ সবিস্ময়ে ] আমাকে দিতে হবে ?

সুন্দরক । হাঁ ।

পদ্মা । কেন ?

সুন্দরক । আমি একজনকে নিমন্ত্রণ করেছি । শুধু আজ

নর—বহুদিনই করেছি,—কিন্তু এতদিন সে তাতে কৰ্ণ-  
পাত করেনি—আজ আমার বহুভাগ্যে সে সে নিমন্ত্রণ  
রক্ষা কর্তে সম্মত হয়েছে—এ অর্থ তার অভ্যর্থনার জন্য  
প্রয়োজন—

পদ্মা । কে সে যার অভ্যর্থনার মূল্য দশ সহস্র স্বর্ণমুদ্রা ?

সুন্দরক । তুমি না হয় তা নাই শুনলে ।

পদ্মা । মহারাজ বিস্ময় ?

সুন্দরক । মহারাজ বিস্ময় তার অভ্যর্থনার জন্য রাজ  
সিংহাসন দক্ষিণা দান করেন—

পদ্মা । কে সে ?

সুন্দরক । বুঝে দেখ কে সে । আজ এইরূপ এক মহা  
সম্মানিত অতিথির জন্য আমি তোমার নিকট হাত  
পাতছি :— । স্ত্রী তুমি...স্বামীর মর্যাদা রক্ষা কর—

পদ্মা । আগে বল কে সে ?

সুন্দরক । তবে দেবে ?

পদ্মা । হয়ত দেব—

সুন্দরক । তার নাম অধা—

পদ্মা ।—সেই বেণী ?

সুন্দরক ।—সেই বিশ্ব-বন্দিতা—

পদ্মা । [ নীরব রহিলেন ]

সুন্দরক ।—দাও...

পদ্মা । সে তোমার অতিথি—আমার নয় । আমি দেব না ।

সুন্দরক । কিন্তু আমি দেব কোথা হতে ? চরিত্র দোষে আমি আজ কপর্দক হীন—কিন্তু তোমাকে স্ত্রীরূপে পেয়েছি বলে আজো আমার লক্ষীর সংসার—আমার বড় আশা, আমি নিরাশ হবনা—

পদ্মা । শুনেছিলাম অতি বড় সে কাপুরুষ...সেও স্ত্রীধন গ্রহণ করে না—

সুন্দরক । আমি তোমার নিকট ভিক্ষা চাইছি—পদ্মা !  
এ তোমার দিতেই হবে...না দিলে আমি কিছুতেই ছাড়বোনা—এ তুমি ঠিক জেনো—

পদ্মা । দেখ তোমার ঐ ভিক্ষা চাওয়ার অত্যাচার আমার আর সহ হয় না—

সুন্দরক । সহ না হলে কি করবে !

পদ্মা । মর্তে বসেছি—মর্ক ।

সুন্দরক । মুখের কথায়—যদি মরা যেত—তবে—

পদ্মা ।—মুখের কথা ! তুমি কি বোঝনা যে আমি তিল তিল করে আজ জীবনের শেষ ধাপে পা বাড়িয়েছি ।  
তুই বৎসর পূর্বে তুমি নিশীথে আমার পিতৃগৃহে অবেধ

প্রবেশের জন্য ধৃত হয়েছিলে—তোমার জীবন মৃত্যুর  
সেই সন্ধিক্ষণে তোমার অশ্রুভারাবনত সেই তরুণ  
মুখশ্রী দেখে আমি মুগ্ধ হয়েছিলাম। তার পর পিতার  
নিকট নতজানু হয়ে তোমার মুক্তি ভিক্ষা চেয়ে চোখের  
জলে পিতায় সম্মতি আদায় করে যে দিন তোমার কণ্ঠে  
আমি বরমালা অর্পণ করেছিলাম—সেইদিন—সেই  
দিনই আমি আমার অজ্ঞাতেই বিষপান করেছি —  
যাও, আর কথাতে কাজ নেই—তোমার উৎসাহের  
সময় হয়ে এসেছে.....[ বাতায়ন পথে তাকাইলা ]  
কি সুন্দর ঐ জ্যোৎস্না !—না সহ হয় না। [ অন্ত  
দিকে মুখ ফিরাইলেন ]

সুন্দরক। যেতে বলছ...যাচ্ছি। কিন্তু স্নান মুদ্রা সঙ্গে না

নিরে যে যেতে পারছি না-পদ্মা—

পদ্মা। আমি এক কপর্দকও দেব না—

সুন্দরক। দেবে না ?

পদ্মা। কথখনো নয়।

সুন্দরক। [ হুত্ব হঠলেও আত্মসংবরণ করিয়া ]

দেবে না ?

পদ্মা। কি স্বভে তুমি আমার নিকট এ অর্থ দাবী করছ ?

সুন্দরক। তবে শোন...সুকোচুরি করে লাভ নেই।

সেই বিবাহ-বাসরে কি মন্ত্র পাঠ ক'রে তোমায় গ্রহণ করেছিলাম জানি না ; কিন্তু যদি বিবাহই করে থাকি—তবে তোমার দেহ মনকে নয়—পিতার উত্তরা-ধিকারিণী রূপে তোমার ধনৈশ্বৰ্য্য যা কিছু ছিল . . তাই ! আমার সোজা কথা—

[ পদ্মা । [ বিস্মিত হইয়া, পরে সহজভাবে ] এই কথা ; [ পালক হইতে উঠিয়া ] তা এটা এতদিন আমার মুখ কুটে বলনি কেন ?

সুকরক । অস্তুতঃ তোমার পিতার প্রব্রজ্যা গ্রহণের পর, আমার কথায়, কাজে, আমার ভাবে, ভবিষ্যৎ এ কথা তোমার আপনা হতেই বোঝা উচিত ছিল !

পদ্মা । তা বটে ! ইঁ তবে,—না... অচ্ছা, আজকের মত তুমি যা চাইছ—আমি দিচ্ছি । কিন্তু, তার পর কি করব বলতে পারি না ।—[ অলিন্দ সংলগ্ন দ্বার পথে বিতলে প্রস্থান । ]

সুকরক । [ প্রস্থান পরায়ণা পদ্মার দিকে তাকাইয়া রহিলেন—পদ্মা প্রস্থান করিলে পর ] কি করব । উপায় নেই । সে যখন আমার নিকট স্বৰ্ণমুদ্রার এই লক্ষিণা চেয়েছে—আমাকে দিতেই হবে—আমি দেব । তাকে আমি আমার প্রণয় নিবেদন করেছি—সে



প্রত্যাখ্যান করেছে। এর পূর্বে কতদিন নিমন্ত্রণ করেছি—সে গ্রহণ করেনি। আজ যখন আমার উপর তার অনুগ্রহ হয়েছে...সে অনুগ্রহ আমি বরণ করব...অন্ততঃ একটি রাত্রেই জগৎ আমি সেই বিশ্ববাহিতা নারীকে পূজা করবার মৌভাগ্য ক্রয় করব। আমি তাকে যখন আমার অর্ঘ্য দান করব—সে কি সন্মিত দৃষ্টিতে আমার পানে একটবার চাইবে না? আমি তাকে যখন আমার নৈবেদ্য দান করব—সে কি আবেগে একটি গান গাইবে না?

[ বাহিরের দ্বারে মূহু করাঘাত ]

সুন্দরক। [ ত্বরিত পদে দ্বারদেশে যাইয়া ]..... কে ?

[ উত্তর আসিল...“আমি” ]

সুন্দরক। [ বিচলিত হইয়া ]—অম্বা ?

[ উত্তর আসিল—“দোর খুলেই দেখ না—~~কি~~” ]

সুন্দরক। ( একটু ভাবিয়া ) আচ্ছা—এস।

[ দ্বারোদ্ঘাটন করিলেন—মহার্ষি সাজ সজ্জা ভূষিতা বারাগনা-শ্রেষ্ঠা অম্বা প্রবেশ করিলেন ]

সুন্দরক। ( সাগ্রহে তাঁহাকে অভ্যর্থনা করিয়া সাহুনয়ে )

আমার একি সোভাগ্য ! বড় বিলম্ব হয়ে গেছে—  
না ?—আমি এখনি যাচ্ছিলাম—বড় কষ্ট দিয়েছি—  
অম্বা । গৃহে নব যুবতী স্ত্রী—বিলম্ব যে হবে তা আমি  
জানতাম । কাজেই ব্যর্থ প্রতীক্ষার ব্যথা সহিনি—  
নিজেই চলে এলাম ।

সুন্দরক । কিন্তু নিমন্ত্রিত অতিথিরা...বিশেষতঃ মহারাজ  
বিষ্মসার ?

অম্বা । তাঁদের ঘুম পাড়িয়ে রেখে এসেছি । তাঁরা এখন  
নেশায় রঙ্গীন হয়ে স্বপ্নলোকে খেলা করছে । অভিনায়ের  
আনন্দ বছদিন পাইনি—আমি চুপি চুপি তোমার  
এখানে চলে এলাম ।

সুন্দরক । বেশ হয়েছে । তবে এসো অম্বা, আজ এই  
দরিত্রের ভবনই তোমার হৃপূর গুঞ্জে—তোমার কল  
হাস্তে মুগারিত হোক—তোমার চরণ রেণু বুকে নিয়ে  
এই কক্ষের পাষাণে প্রাণ প্রতিষ্ঠা হোক—



[ অম্বার হাত ধরিলেন ]

অম্বা । কিন্তু আমার মুখে যে আর কথা ফুটছে না  
সুন্দরক ! এখানে যে আমার দম আটকে আসছে

সুন্দরক । কেন অম্বা ?

অম্বা । [ বিস্ফারিত নেত্রে ] পারের তলের ঐ পাষণ...  
ওতো মৃত নর...নীচে কি আগুন জ্বলছে ? চারিদিকের  
এই প্রাচীর—ওতো অচল নর...সুন্দরক ! সুন্দরক !  
ওরা কি আমার গ্রাস কর্তে আসছে ?

সুন্দরক । সে কি ?

অম্বা । তাইত ! তাইত ! এ কি !

সুন্দরক । তুমি আজ নেশায় ভরপুর দেখছি !

অম্বা । [ চমকিয়া উঠিয়া ] তাই কি ? [ পরে তাঁহার  
দিকে স্থির নেত্রে চাহিয়া ] সিক বলোছ । হাঃ হাঃ  
হাঃ...

সুন্দরক । চল, আমার প্রমোদ কক্ষে চল—

অম্বা । তোমার স্ত্রী কোথায়, সুন্দর ?—তাকে আমার  
একবার দেখাতে পার ?—দেখতে চাই...কি সে  
যার জন্য তুমি আমার নিমন্ত্রণ করেও আমার অভ্যর্থনা  
করে আনতে যাও নি ? সে কি এতই সুন্দর ?—  
আমারো চেয়ে ?

সুন্দরক । বোধ হয় তোমারো চেয়ে—

।—আমার মত তার মুখ ? আমার মত তার  
চোখ ?

সুন্দরক । ঠিক তোমার মত তার মুখ—ঠিক তোমার মত

তার চোখ—

অম্বা । তবে তুমি আমার পারে পারে ঘুরে বেড়াও কেন

সুন্দরক ?

সুন্দরক । তুমি যে অম্বা—আর সে যে পদ্মা...

অম্বা । অর্থাৎ ?

সুন্দরক । এর আর অর্থাৎ নেই । যদি থাকতো, তবে

পদ্ম প্রদীপের আঁশে কাপ দিতে না ছুটে ঐ নীলা-

কাশে চাঁদের পানে চেয়ে ছুটতো—

অম্বা । হঁ ! সুন্দর, আমি অতিথি, অতিথির দক্ষিণা

দাও ।

সুন্দরক । অবশ্য দেব...একটু অপেক্ষা কর অম্বা ।

অম্বা । না এখনি চাই ! আমি আর বিলম্ব কর্তে

পাচ্ছিনে...

সুন্দরক । এখনি ?

অম্বা । এখনি । এই মুহূর্তে । তোমার পদ্মীপের তেল

ফুরিয়ে গেছে ।

সুন্দরক । এই জগতই কি আমি স্ত্রী পর্যন্ত ত্যাগ করতে

উত্তম হয়েছি ?

অম্বা । এই কথা ! [ শ্লেষ পরিপূর্ণ হাস্য ] সুভদ্রকে এ

কথা বলো না কিন্তু—খবরদার—সে আমার জ্ঞাত,  
তার জীব খাণ্ডে তার অজ্ঞাতে বিষ মিশিয়ে দিয়ে  
নিষ্কণ্টক হয়েছিল।...জানো ?

সুন্দরক । [ মাথা নত করিয়া নীরব রহিলেন ]

অম্বা ।...দেখো...কুলীরক যেন তোমার এই অপূর্ব আত্ম-  
ত্যাগের কথা না জানতে পারে ! তবে সে বড়ই  
লজ্জা পাবে । সে আমার জ্ঞাত তার বৃদ্ধ পিতা কর্তৃক  
নিত্য তিরস্কৃত হওয়াতে তার বৃকে নিজহাতে ছুরী  
বসিয়েছিল।...জানো ?

সুন্দরক । [ নীরব রহিলেন ]

অম্বা । আর আমি আমার প্রথম প্রণয়াম্পদের জ্ঞাত কি  
করেছিলুম জানো ?

সুন্দরক । তুমি !

অম্বা । হাঁ, আমি ! তিনি ছিলেন এক নিঃসহায় দরিদ্র  
রাজপুত্র । তাঁর বৈমাত্রেয় ভ্রাতা তাঁর সিংহাসন  
লাভের প্রবল প্রতিদ্বন্দ্বী ছিল । তাঁর ঐ অনিশ্চিত  
সিংহাসনকে সুনিশ্চিত করার জ্ঞাত অর্থের প্রয়োজন ।  
এ দিকে আমার পিতার প্রতিশ্রুতি অনুসারে পিতৃবন্ধু  
এক পুত্রের সঙ্গে নিজের সম্পূর্ণ অনিচ্ছা সত্ত্বেও যখন  
আমাকে বিবাহ বন্ধনে আবদ্ধ হতে হল—তখন,

বিবাহের পূর্ব হতেই যাকে ছদ্ম মন ইহকাল পরকাল সমর্পণ করেছিলুম—আমার সেই জীবন-দেবতার সাহায্যের জন্য আমার বিবাহিত স্বামীর ধনরত্নের বিপুল ঐশ্বর্যা, প্রতি নিশীথে ক্রমে ক্রমে চুরি করে, তাঁর হাতে তুলে দিয়ে শেষে একদিন স্বামীর হাতে ধরা পড়ি।

সুন্দরক। [ রুদ্ধ নিঃশ্বাসে ]—তার পর ?

অম্বা। বিজয়িনী অম্বার মনোবাসনা যোগকলায় পূর্ণ হল। স্বামী মনোহুঃখে গৃহ ত্যাগ করলেন। আমি আমার প্রণয়াম্পদকে ছুই সিংহাসনেই সুপ্রতিষ্ঠিত কর্তে পালুঁম...এক সিংহাসন রাজসভায়,—আর এক সিংহাসন আমার শয়ন কক্ষে।

সুন্দরক। আর তোমার স্বামী ? তাঁকে কি তুমি ? হত্যা...?

অম্বা।—না প্রয়োজন হয় নি। যে মনোহুঃখে গৃহ ত্যাগ করে সে কুপার পাত্র—হত্যার নয়।

সুন্দরক। অম্বা ! জীকে ভালবাসি কিনা জানি না—কিন্তু তবু আমি মুক্তকণ্ঠেই বলব—সে আমার সতী সাধবী জী। আদর যত্ন সোহাগ,—সে আমার কাছে কিছুই পায়নি—যদি কিছু পেয়ে থাকে তবে সে শুধু

নির্যাতন ! তবু জী হয়েও আমার মনস্তষ্টির অন্য  
আমার পাপ—প্রকৃতির স্বতাহতির মূল্য এতদিন সেই-ই  
যুগিয়ে এসেছে—আজও—

[ পদ্মার প্রবেশ ]

পদ্মা ।...না, আজ আর নয় ।

[ সকলেই সচকিত হইয়া উঠিলেন ]

সুন্দরক । ছিঃ পদ্মা...

পদ্মা । নির্লজ্জ ! লম্পট ! লজ্জা করে না—তোমার  
পিতৃ-পিতামহদের এই পুণ্যপুত দেবায়তনে এক বার-  
বিলাসিনীকে...

অম্বা ।...সুন্দরক—[ চোখে আগুন জ্বলিতে লাগিল । ]

সুন্দরক ।—সাবধান পদ্মা...। উনি অতিথি—অতিথির  
অপমান আমি সহিব না । ভাল চাও তো দশ সহস্র  
শ্বর্ণ মুদ্রা রেখে চলে যাও—

পদ্মা । আমি এক কপর্দকও দেব না ।

সুন্দরক । আবার.....

পদ্মা । আবার নয়, সহস্রবার । আমি দেব না—

সুন্দরক । অবশ্য দিতে হবে । কেন তুমি দেবে না ?

পদ্মা । তুমি না শুধু আমার বিভব সম্পদ বিবাহ করেছ ?

স্বীকার করুন—অধিকার আছে তোমার তার উপর,  
—যেখান হতে পার তুমি তা গ্রহণ কর। কিন্তু যখন  
আমার দেহ মনকে বিবাহ কর নি, তখন আমার  
দেওয়া না দেওয়ার ইচ্ছার উপর তোমার কি হাুক  
আছে ?

সুন্দরক । এই কি স্ত্রীর কর্তব্য ?

পদ্মা।—আর একটা গণিকাকে স্ত্রীর পরিভ্র অস্তঃপুরে  
এনে তার সম্মুখে স্ত্রীকে চোখ রাঙ্গানই কি স্বামীর  
কর্তব্য ?—দূর করে দাও—দূর করে দাও ওকে—

[ বাহিরের দরজার প্রতি হস্ত নির্দেশ করিলেন ]

অম্বা । [ তাহার দুই চোখ হুঁতে আগুন বাহির হুঁতে  
ছিল ]—সুন্দরক—আমি না তোমার নিমজ্জিত  
অতিথি ? তুমি কি আমাকে এষ্ট অপমানের স্তম্ভই  
এখানে অপেক্ষা কর্তে অনুরোধ করেছিলে ?—বল—  
বল—

সুন্দরক । অম্বা ! কিছু মনে কোর না । তোমার এ  
অপমানের প্রায়শ্চিত্ত আমি এখনি করব । আজ আমি  
আমার এই প্রাসাদ-ভবন স্তম্ভের সাক্ষী করে তোমাকে  
নিবেদন করছি । আজ হতে আমি এর সমস্ত স্বত্ব



ত্যাগ করলুম। তুমি এই মুহূর্ত হতে এ গৃহের  
অধিষ্ঠারী—আমায় কমা কর অস্বা—

অস্বা। [ বিজয় দৃষ্টা হইয়া সগৌরবে পদ্যার প্রতি ] এখন  
যদি তোমাকে আমার গৃহ হতে পদাঘাত করে দূর  
করে দিই ?

পদ্যা। [ অস্বার প্রতি ক্রুদ্ধ দৃষ্টি নিক্ষেপ করিয়া ] কি !  
এতদূর—বেশ ! [ সুন্দরকের প্রতি সহজ ভাবে ] তুমি  
আমায় তাড়িয়ে দিচ্ছ ?

অস্বা। যাব গৃহ—তিনি দিচ্ছেন বটে।

পদ্যা। স্বামী তুমি—, তুমি আমায় এই ঘণিত অপমান  
থেকে রক্ষা করবে না ? তোমার নিকট আমার মাথা  
রাখবার ঠাইটুকুও কি মিলবে না ?

অস্বা। সে প্রার্থনা যদি এখন কারো কাছে কর্তে হয় তবে  
ওখানে নয়—এইখানে—আমার কাছে—

পদ্যা। [ তাহাতে কর্ণপাত না করিয়া—সুন্দরকের প্রতি ]  
তুমি আমার কথাব উত্তর দাও—

সুন্দরক। [ নীরব রহিলেন ]

অস্বা। উত্তর তুমি পেয়েছ।

পদ্যা। বেশ ! তবে... [ আর বাক্য স্মরণ হইল না—  
হঠাৎ ঘুরিয়া দ্বিতলের পথে চলিয়া গেলেন ] [ সুন্দরক

ও অম্বা ঋণকাল শুরু হইয়া রহিলেন—পরে অম্বা সে  
শুরুতা ভঙ্গ করিয়া কহিলেন ]

অম্বা । ঠিক বলেছ সুন্দরক ! এ নারী আমারই প্রতিবিম্ব ।  
দেখে আমারই ভুল হয়েছিল...আমার চোখ ঝলসে  
গিয়েছিল ।

সুন্দরক । শুধু চোখে, মুখে, চেহারায় ও তোমার  
প্রতিবিম্ব নয়—তেজে, অভিমানে—ও তোমারই  
ছবি ।

অম্বা ।—কিন্তু ওকে যে আমার জড়িয়ে ধর্তে ইচ্ছে হচ্ছে  
সুন্দরক ! কৈ, সুরা কৈ ?—সুরা আনো । আজ এ  
আমার দুঃখের রাত—কি আনন্দের রাত বুঝতে পাচ্ছি  
না !—আমার তুমি মাতাল করে রাখ বন্ধু !

সুন্দরক ।—এস পালকে এসে বস [ তাঁহাকে পালকে  
লইয়া বসাইলেন ]

অম্বা । উঃ ! আমার চোখ ঝলসে গেছে । আমার চোখ  
ঝলসে গেছে । উঃ কি আলো—! কি দীপ্তি !

সুন্দরক ।—কোথায় অম্বা ?

অম্বা ।—তার চোখে,—তার মুখে [ সহসা প্রকৃতস্থ হইয়া ]  
—না না, এই কক্ষ । উঃ, প্রদীপ নিবিরে দাও—  
নিবিরে দাও—

সুন্দরক ।—দিচ্ছি । [দীপ নির্বাণ । বাতায়ন পথে  
সমুজ্জল চন্দ্রালোক কক্ষ পরিপ্লাবিত করিল ।]

অহা । কি সুন্দর জ্যোৎস্না ! [ বাহিরে চাহিয়া ] তাই  
তো ! [ চন্দ্রের পানে সন্দিগ্ধ দৃষ্টিতে ] তাঁদের মুখে কি  
আজ জয়ের হাসি ? [ হঠাৎ পালক হইতে উঠিয়া  
দাঁড়াইয়া ] সুন্দরক ! সুরা আনো, বীণা আনো...  
ঐ লতা কুঞ্জে চল... [ সুন্দরকের হাত ধরিয়া ]  
আর—আর—বিধিসারকে একবার খবর দাও । শোন  
সুন্দরক—আজ রূপে, রসে, গানে, গন্ধে তাঁদের ঐ  
দীপ্ত গরিমার সঙ্গে প্রতি-যোগিতা কর ।

### [ অশ্বার গান ]

শুধু পাও তেলে দাও প্রাণে ভালবাসা  
জাগারে তোল প্রাণে আকুল পিরাসা ॥

যামিনী যে আজ উল্লাসে হাসে—

বিশ্ব বিহ্বল আনন্দে ভাসে—

বহে মন সমীরণ মুগ্ধ ত্রিভুবন

কানন কুম্ব গন্ধে—

## মূর্তির ডাক

আনো সুরা; আনো শুধু নাচ গাও,  
নিখিল চরাচর লুপ্ত করে দাও,—

আগাও জীবন ছন্দে ;—

তেলে দাও যৌবন মিলন দুরাশা ॥

[ গাহিতে গাহিতে স্তম্ভরক সহ প্রস্থান ]

[ অলিন্দ পথে পদ্মা ও তাঁহার দাসীর প্রবেশ ]

পদ্মা ! [ দাসীর প্রতি ] এই মহুর্তে আমার পিতৃ ভবনে  
গিরে এই পত্রখানি আমার বৃদ্ধা বাতীর হাতে দাও—

[ পত্র লইয়া অভিবাদনাস্তে দাসীর প্রস্থান । ]

[ অন্ত ছায়া পথে নৃপতি বিহিসারের প্রবেশ ]

বিহিসার ! অহা ! তুমি আমাকে নেশায় অজ্ঞান দেখে  
আমাকে ফেলে রেখে এখানে চলে এসেছ !

পদ্মা ! [ সবিস্ময়ে ] মহারাজ !

বিহিসার ! [ সবিস্ময়ে ] এ কি ! এ কি অপূর্ব মূর্তি !

আজ এই পরিপূর্ণ জ্যোৎস্নায় ঐ আলো-ছায়ার মাঝখানে  
একি এক অম্পষ্ট রূপে আবার তুমি সেই তরুণী মূর্তিতে

আমার চোখের সামনে উদয় হয়েছে অথবা যেমন  
ঠিক চতুর্দশ বর্ষ পূর্বে—

পদ্মা ।—এ কি মহারাজ ! আপনিও আমার অপমান

করেন ? এই বুঝি আপনার মনুষ্যত্ব ? এই কি রাজধর্ম্য ?

বিষ্ণুসার । আজ আবার তোমার একি খেলা প্রেমসী ?

পদ্মা । রাজা—রাজা—আমি পরস্মী—

বিষ্ণুসার । হাঁ, তা জানি—তুমি আজ সুন্দরক শ্রেষ্ঠীর

প্রিয়তমা প্রেমসী । কিন্তু—

পদ্মা । এ—কথা জেনেও আপনি আমার অপমান

করেন ? তা ভগবান—

[ বসনাঞ্চলে মুখ ঢাকিলেন ]

বিষ্ণুসার । [ সবিস্ময়ে ] কঁাদছ ! সে কি !—কে তোমার

অপমান করেছে ?

পদ্মা । [ আনত মুখে ] কে না করেছে !

বিষ্ণুসার । তবু শুনি,—কে ?

পদ্মা । শুনে আর কি হবে ? প্রতিবিধান তার কি

আছে ? যখন মহারাজ.....

বিষ্ণুসার । হাঁ, আমি রাজা, আমি বিচার করব !

পদ্মা । [ নীরব রহিলেন ]

বিদ্বিসার । বল—আমি বিচার করব.....

পদ্মা ।—করবেন ?

বিদ্বিসার । শপথ কচ্ছি, করব । বল—কে ?

পদ্মা । প্রথম—সুন্দরক ।

বিদ্বিসার । সাক্ষী ?

পদ্মা । জৈশ্বর—

বিদ্বিসার । কোথায় সে ?

[ অশ্বা ও সুন্দরকের প্রবেশ ]

[ দীপ জলিয়া উঠিল

পদ্মা । ঐ—

সুন্দরক । কে ?

বিদ্বিসার । আমি । এ কি ! এ আবার কি ! তুমি

অশ্বা—ওর সঙ্গে,—[ পদ্মার পানে তাকাইয়া ] তবে—

তাইতো !—একি ?

অশ্বা । কে ? রাজা ?

বিদ্বিসার । হাঁ, রাজা । কিন্তু আমি কি স্বপ্ন দেখছিলুম ?

এ ও কি সম্ভব ?

পদ্মা ! বিচার যে সম্ভব নয়—রাজা শপথের যে কোনও

মূল্য নেই—তা আমি জানতুম রাজা.....।

বিস্মার। [ পদ্মার পানে তাকাইয়া ] না, না, আমি  
 বিচার কর্ব—সত্য বিচার কর্ব। তোমার চোখের  
 জল এখনও জল জল করছে...আমি ও জল মুছে  
 দেব।—কেন জানিনে, আমার মনে হচ্ছে যেন তুমি  
 আমার—তুমি আমার—

পদ্মা। [ বিস্মারের কথা শেষ না হইতেই তাঁহার  
 মুখের কথা কাড়িয়া লইয়া ]—প্রজা—নিঃসহায়া,  
 নির্যাতিতা প্রজা।

বিস্মার।—হাঁ, আমি রাজা.....প্রজার পিতৃতুল্য  
 রাজা.....আমি বিচার কর্ব।—শোন সুন্দরক—আজ  
 হতে তুমি আমার রাজ্য হতে নির্বাসিত।

অম্বা। [ উন্নত গ্রীবার দৃষ্ট কর্ণে ] কেন ?

বিস্মার।—বিচার।

অম্বা। [ শ্লেষ পূর্ণ স্বরে ]—বিচার ?

বিস্মার। বেশ !—না হর রাজ্য-আজ্ঞা।

অম্বা। [ চোখ রাখাইয়া ]—রাজা, সাবধান—

বিস্মার।—কাকে চোখ রাঙাচ্ছ অম্বা ?

অম্বা।—তোমাকে।

বিস্মার। [ গম্ভীর স্বরে ] কি স্পর্দ্ধার ?

অম্বা । [ ধীর স্থির স্পষ্টস্বরে ] তোমার উপর আমার  
অধিকারের স্পষ্টকার—

বিষ্মসার । [ উত্তর শুনিয়া প্রথমে স্তম্ভিত হইলেন । পরে  
ধীর গম্ভীর স্বরে ] ঠিক । তোমার অধিকার আমি  
অস্বীকার করি না ।—কেমন করে কর্ব ! আজ  
পর্যন্ত আমার ক্ষীণ রাজশক্তিকে তুমিই তোমার রূপা-  
দত্ত অর্থে পুষ্ট ক'রে রেখেছ । তোমার স্বণ্য দানের  
উপরই আমার রাজসিংহাসন প্রতিষ্ঠিত । তুমি তোমার  
রূপ যৌবন দিয়ে আমার শত্রু মিত্র সবাইকে বশীভূত  
করে রেখেছ ।—কিন্তু আর নয় । পাপ যথেষ্ট হয়েছে ।  
আজ তার প্রায়শ্চিত্ত কর্বার জন্য আহ্বান এসেছে ।  
এখন এই স্বণ্য কলুষিত রাজত্ব ত্যাগ করে আমাকে  
সেই আহ্বান মাগু করতে হবে ।

অম্বা । [ বিক্রম স্বরে ] প্রায়শ্চিত্তের আহ্বান এসেছে ?—  
কোথা থেকে এলো ?—কে আনলো ?

বিষ্মসার । [ হঠাৎ পদ্মার হাত ধরিয়া ]—এসেছ এই  
বালিকা । অম্বা এই নাও তোমার দান—আমার  
রাজদণ্ড—

সুন্দরক । মহারাজ ! এ কি !

পদ্মা । [ সুন্দরকের প্রতি ] পুরুষ হয়ে তুমি জন্মেছিলে

২০২০/৩/২০/৮/১৫



কেন ? যদি পুরুষ হয়ে জন্মেছিলে—তবে বিবাহ করে  
এক স্ত্রীর দায়িত্ব ঝাড়ে নিয়েছিলে কেন—কাপুরুষ ?

অম্বা । [ বিস্মিতের স্রোত ] বিস্মিত—তুমি যা বলছ—  
আমাকে কি তা সত্য বলে বিশ্বাস করতে হবে ? আমি  
পরিহাস ভালবাসি না রাজা—

বিস্মিত । আর রাজা নই—সে স্বপ্ন ভেঙেছে । এই  
মহুর্ভে আমি রাজদণ্ড ত্যাগ করছি ।

অম্বা । তবে কি আমি এই বুঝব যে—এই বালিকার  
কন্ডা—আমার এ রাজ্য তুমি ত্যাগ করছ ?

বিস্মিত । [ অবিচলিত ভাবে ] হাঁ, —ক'র্ছি ।

অম্বা ।—বুঝে দেখ, জীবনের কতখানি ইতিহাস এর সঙ্গে  
জড়ানো—কত যুদ্ধ, কত আত্মত্যাগ—

বিস্মিত । অক্লনারী—তুমি বুঝে দেখ । আমি ঠিক  
বুঝেছি—ঠিক ধরেছি ।

অম্বা । [ অবিচলিত স্বরে, দৃঢ় হৃদয়ে ] কাপুরুষ—তবে  
নাও, রাজদণ্ড আমার হাতে নাও—

বিস্মিত । নাও—[ অম্বার হাতে রাজদণ্ড তুলিয়া  
দিলেন ।—পরে পদ্মাকে কহিলেন ]—এস লক্ষ্মী—  
আমার সঙ্গে এস ।

অম্বা । সাবধান বিস্মিত ! এখনও সংযত হও । রক্ষী—

[ রক্ষীগণের প্রবেশ ]

[ পদ্মাকে দেখাইয়া ] ঐ নারীকে বন্দী কর [ রক্ষীগণ  
ছুটিয়া যাইয়া পদ্মাকে শৃঙ্খলিত করিল ] [ বিস্মিসারের  
প্রতি ] রাজা ! এইবার পার ত ঐ নারী—যার জন্ত  
রাজত্ব ত্যাগ কর্লে—তোমার সঙ্গে নাও ।—চলে এস—  
সুন্দরক । [ সুন্দরকে হাত ধরিয়া টানিয়া লইয়া  
অলিন্দ সংলগ্ন দ্বিতলের সোপান শ্রেণীতে পা  
দিলেন ]

বিস্মিসার । জান না—জান না অহা তুমি কি কর্ছ !  
উন্মাদিনী—এখনও নিবৃত্ত হও—নইলে একদিন এর  
জন্ত তোমাকে অনুতাপ কর্তে হবে ।

অহা । [ মুখ ফিরাইয়া, বিস্মিসারের কথা শুনিলেন—  
শুনিয়াই থমকিয়া দাঁড়াইলেন । বিস্মিসারের দিকে  
ঘুরিয়া দাঁড়াইয়া বলিলেন ]—অনুতাপ ! [ শ্লেষ হাস্তে ]  
প্রতিদ্বন্দিনীকে বন্দী কর্ছ—তার জন্ত অনুতাপ !—  
অনুতাপ কর্কে সে—যে নূতন প্রেমের পূর্ণপাত্র মুখে  
ধরেও পান কর্তে পারল না ! [ বলিয়াই পুনরায়  
সগর্বে উপরে উঠিতে লাগিলেন ]

বিস্মিসার ।—দাঁড়াও প্রগল্ভানারী । এখনো বলছি

সাবধান!—বরং আমার বন্দী করে এই বালিকাকে  
মুক্ত করে দাও—শোন—

অম্বা। [ বিস্মিত কণ্ঠে বলিতেই তাঁহার দিকে মুগ্ধ  
কিরাইয়া কাণ পাতিয়া তাহা শুনিলেন। তাঁহার  
কথা শেষ হইতেই দুই ধাপ নীচে নামিয়া আসিয়া  
বলিলেন ] বটে! এত প্রেম! এত দরদ! [ সহসা  
সাম্রাজ্যীর মত আদেশমূচক স্বরে ]--সুন্দরক!  
আমার হাতে এই রাজদণ্ড—এই রাজদণ্ড হাতে নিয়ে  
যগন্দের অধিশ্বরী আমি—আমি আদেশ করছি—ঐ  
কুকুরীকে এখনি হত্যা করে আমার নিকট ওর ছিন্নশির  
নিয়ে এস [ আদেশ দিয়াই সদর্পে উপরে উঠিতে  
লাগিলেন ]

সুন্দরক।—আমি হত্যা করব?

অম্বা। [ ঘুরিয়া ] হাঁ, তুমি।—যাও, নিয়ে যাও—  
ছিন্নশির—ছিন্নশির—আমি ওর ছিন্নশির চাই—

[ প্রস্থান।

[ স্তম্ভিত ভাবে সুন্দরক ষথাস্থানে দাঁড়াইয়া রহিলেন  
রক্ষীগণ শাণিত ছুরিকা কোষমুক্ত করিল ]

বিষ্মিত ! [ চীৎকার করিয়া ] অহা—অহা !—আদেশ  
প্রত্যাহার কর ! ফের—ফের, দেখে যাও কক্ষগাত্রে  
কার ঐ চিত্র ! তার পর আরও আদেশ কোরো ।  
অহা—অহা দেওয়ালের এট ছবির দিকে তাকাও  
দেখ কার ঐ প্রতিমূর্তি...দেখে, তার পর আদেশ  
কোরো—

পদ্মা । [ কক্ষগাত্রে সংলগ্ন প্রতিমূর্তির পানে চাহিয়া ] বাবা—  
বাবা—আজ তোমার কণ্ঠা আর জামতাকে দেখে  
তোমার ছবি হেসে উঠেছে—না—চোখের জল ফেলছে ?

[ সহসা ] [ সুন্দরকের প্রতি ] তুমি কি বল স্বামী ?

সুন্দরক । । সুন্দরক এই প্রশ্নে চমকিয়া উঠিয়া বিচলিত  
হইলেন, রক্ষীগণের প্রতি কহিলেন ]—কণেক  
অপেক্ষা কর [ এই বলিয়াই দ্রুত উপরে উঠিতে  
লাগিলেন—কিন্তু মাত্র দুই ধাপ উঠিয়াই পরে ঘুরিয়া  
নামিয়া একেবারে পদ্মার সম্মুখে আসিয়া দাঁড়াইলেন ]  
পদ্মা—একটা কথা—শুধু একটা কথা—

পদ্মা ।—বল—

সুন্দরক ।—বিবাহ-বাসরে ঘেরূপ পরিপূর্ণ নির্ভরে আমার  
নিকট আত্ম-সমর্পণ করেছিলে, আজো কি তেমনি

অকল্পিত অবিচলিত হৃদয়ে আমার নিকট আত্ম  
সমর্পন কর্তে পার ?

পদ্মা । আমার শ্মশানে দাঁড়িয়ে আজ আবার সে  
কথা কেন ?

সুন্দরক । কথা কয়ো না—পার তুমি ?

পদ্মা । জীবনে যদি তোমার হাত ধর্তে পেয়েছিলাম তবে  
মরণে পারুবনা কেন স্বামী—?

সুন্দরক ।—চুপ্ ! আর কথাটি কয়ো না—চলে এস—  
[ রক্ষীগণের প্রতি ] আমার অনুসরণ কর—

[ বিধিসার ব্যতীত সকলে বাহিরের ছুরাঙ্গ দিয়া

প্রস্থান করিলেন ]

বিধিসার । [ মুখ নত করিয়া কি ভাবিলেন—পরে ধীরে  
ধীরে মুখ তুলিয়া প্রতিমূর্তির পানে- ভাকাইয়া ]..  
হে ক্ষমাশীল মহাপুরুষ—তুমি আমার ক্ষমা কোর না—  
তুমি আমার অভিশাপ দাও ।—আমার সকল  
বীভৎসতা, সকল ব্যভিচার তোমার ঐ প্রতিমূর্তির  
স্বাধা দিঘে তোমার মর্শ্বস্পর্শ করেছে—তবু তুমি মুক—  
স্থির—অচঞ্চল—। তোমার এ ক্ষমার দয়া যে আর  
সহিতে পারি না—তুমি আমার অভিশাপ দাও যে—

[সোপানে পদধ্বনি শুনিতে পাইয়া চমকিয়া উঠিয়া]—কে ?

[ধীরে ধীরে অশ্বা সোপান পথে অবতরণ করিতেছিলেন]

অশ্বা ।—মগধের মহারানী—। বিস্মিত—

বিস্মিত ।—আদেশ কর—

অশ্বা ।—আদেশ কর ! এতদূর !—ভালো, পার্কে আদেশ পালন কর্তে ?

বিস্মিত । যে এতদিন আদেশ করে এসেছে সে আদেশ পালন কর্তেও শিখেছে—। কি আদেশ বল—

অশ্বা । বেশ, আদেশ কর...কিন্তু এখন নয়,—একটু পরে—আগে তার ছিন্ন শির আশুক—

বিস্মিত । [নতজানু হইয়া] আমার একটি অনুরোধ রাখ—এখনো তারা বধ্যভূমিতে পৌছেনি—সে বালিকা, সম্পূর্ণ নিরপরাধ—আমি সমস্ত তোমাকে খুলে বলব—কিন্তু আগে তার প্রাণভিক্ষা দান কর—তোমার আদেশ প্রত্যাহার কর...আমি মুক্তির বারতা নিয়ে অশ্বারোহণে ছুটে যাই...

অশ্বা । অশ্বা যা একবার আদেশ করে তা আর প্রত্যাহার করে না । আর, হত্যা এতক্ষণ শেষ !—আমি আমার

চক্ষুর সম্মুখে সেই শোণিত উৎস দেখতে পাচ্ছি—কি রক্ত ! কি রং ! কি লাল !—বিষ্মসার ও তো রক্ত নয়...ও যে আশুন...সরে দাঁড়াও—সরে দাঁড়ও—  
আশুন আমাদের গ্রাস কর্তে আসছে—

বিষ্মসার । নারী...তোমার এই অববেচনার জন্ত তোমাকে জীবন ভ'রে অনুশোচনা কর্তে হবে--আর সে অনুশোচনা আরম্ভ হয়েছে—

অম্বা । মিথ্যা কথা—। অনুশোচনা নয়—এ আমার অয়োল্লাস ! হাঃ হাঃ হাঃ । অকৃতজ্ঞ রাজা ! স্পর্ধা তোমার, আমার সম্মুখে ঐ বালিকাকে.. ওঃ মানুষের স্মৃতি কি এতই ক্ষীণ—তার চিত্ত কি এতই দুর্বল ?—  
বিষ্মসার—, আজ একবার—শুধু একবার ; মনে কর দেখি তোমার শৈশবের সাথী—সেই সুরূপাকে—  
মনে পড়ে ?

বিষ্মসার ।—না পড়ার কারণ ত কিছু দেখি না ।

অম্বা । তার পর, সুরূপা যখন কিশোরী হ'ল তখন অন্নের সঙ্গে বিবাহ হবে শুনেই সে তোমাকে সঙ্গে নিয়ে দূর বনাশ্বে পালিয়ে যাবার জন্ত নিশীথে এসে তোমার ছুরারে করাঘাত করেছিল—মনে পড়ে ? সে দিনও টাননী রাত ছিল—

বিস্ময়।—মনে পড়ে। আমি দুয়ার খুলতেই তুমি  
মুহুর্তমতী স্রোতস্রার মত আমার কক্ষখানি উদ্ভাসিত  
করে দিলে—

অম্বা। তোমার সিংহাসন লাভের বিষয় প্রতিদ্বন্দ্বী,—  
তোমার বৈমাত্রেয় ভ্রাতার পক্ষীয় সভাসদগণকে  
উৎকোচ দিয়ে বশীভূত কর্তে যে বিপুল অর্থের প্রয়োজন  
ছিল—তা তোমার না থাকায় তুমি নিজের অন্তঃক  
ষিকার দিয়ে সেই রাতে চোখের জল ফেলেছিলে—  
মনে আছে ?

বিস্ময়।—আছে।

অম্বা। [ স্লেষণান্তে ]—আছে ? তার পর বুঝি আর  
কিছু মনে নাই ?

বিস্ময়।—কেন থাকবে না—অম্বা ? তুমি আমার  
চোখের জল সহিতে পার্তে না—সেদিনও পারনি।  
তুমি আমার চোখের জল মুছে দিয়ে বলেছিলে অর্থের  
অগ্র আমার কোন ভাবনা নেই।

অম্বা।—তুমি তখন অবিশ্বাসের হাসি হেসেছিলে—  
ভেবেছিলে—এক হৃতসর্কষ বণিকের কণ্ঠার মুখে  
ওঁ-কথা—শুধু একটা মিথ্যা আখ্যায়িক মাত্র ! বাক—  
তার পর কি হ'ল ?



বিধিসার। তার পর—না, সে কথা থাক।

অম্বা। না-না...থাকবে কেন? আজ নূতন প্রেমের আশ্বাদ পেয়ে সে কথা ভুলে গেলে চলবে কেন? তবে আমি বলি—তুমি শোন।—তার পর সেই প্রৌঢ় ধনকুবের সূচিত্র শ্রেষ্ঠীকে হঠাৎ আমি বিবাহ কর্তে সম্মত হলাম। তখন সকলের চেয়ে বিস্মিত হয়েছিলে তুমি—রাগ করে আমার সঙ্গে বিবাহের পূর্বে আর দেখাই করনি—

বিধিসার। কখনই যদি আর না করতুম।

অম্বা। [শ্লেষহাস্তে] কেন? কেন বিধিসার?

বিধিসার।—তবে আজ বিবেকের এই দারুণ কষাঘাত হতে রক্ষা পেতুম।

অম্বা। [শ্লেষপূর্ণ স্বরে] কিন্তু—সিংহাসন—

বিধিসার।—তুচ্ছ সিংহাসন—যার জন্তু—

অম্বা।—যার জন্তু,—বল—বল—

বিধিসার।—যার জন্তু এক পত্নীকে দিয়ে তার পতির পূর্ণভাণ্ডার শূন্য করতে কোন বাঁধা দিইনি—বরং আনন্দিত হয়েছি।

অম্বা।—বিধিসার—

বিধিসার। শুধু তাই নয়, যার জন্তু সেই পত্নীগত প্রাণ

স্বামী—তঁার সহধর্মিণীর এই নিষ্ঠুর কৃতঘ্নতা দেখে  
অভিমানে তঁার সাধের সংসার ত্যাগ করে সন্ন্যাসী  
হয়েছিল!

অম্বা : বিধিসার.....

বিধিসার। হাঁ, তুমি সেই পাপিষ্ঠা সুরূপা—যে তোমার  
স্বামীর সেই প্রব্রজ্যা কালে আমার এক আরজ কন্যা  
গর্ভে ধারণ করেছিলে—তার পর ভগবান বুদ্ধের  
আদেশে তোমার স্বামী বধন গৃহে প্রত্যাবৃত্ত হলেন—  
তখন তঁার ভয়ে সেই কন্যাকে বৃদ্ধা ধাত্রীর কোড়ে  
কেলে নির্ম্মা রাক্ষসীর মত কুলত্যাগ করে পরে—  
'অম্বা' নামে রূপ ষৌবনের পসরা নিদে গণিকা বৃত্তি  
অবলম্বন করেছিলে—

অম্বা। নির্লজ্জ বিধিসার! কুঠা হল না তোমার ও কথা  
বলতে? [ হঠাৎ তাঁহার মুখোমুখী হইয়া ] ভালো—  
কার জন্য আমি আমার দেহ বিক্রয় করেছিলাম?

বিধিসার। স্বীকার করি—তুমি নগরের সকল ধনবান  
শ্রেষ্ঠী—যুবকের রক্ত-শোষণ করে ধনরত্নে আমার দীন  
ভাণ্ডারই পূর্ণ করে এসেছ—কিন্তু তবু.....

অম্বা। [রোষে ও ঘোভে] কিন্তু, তবু হুঃখ এই যে  
তোমার প্রতি আমার আজীবন একনিষ্ঠ প্রেমের

প্রতিদানে আজ তুমি আমাকে ঘৃণায় পরিত্যাগ করেছ ! বিবিসার—বিবিসার—আমার আত্মার সেই একনিষ্ঠ সতীত্বের অপমান কর্তে তোমার আজ এতটুকুও দ্বিধা দেখলুম না—কিন্তু বারাজ্ঞা হলেও আমি নারী—আমার সতীত্ব—সে কি এতই ভুচ্ছ ?

বিবিসার : সতীত্ব !—তোমার সতীত্ব !

অহা ! হাঁ, আমার সতীত্ব...চমকে উঠোনা রাজা ।

সতীত্ব শুধু দেহের ধর্ম নয়—আত্মার এক নিষ্ঠাই তার প্রকৃত শ্রাণ । শৈশবে আর সকল খেলার সাথে ছেড়ে যার সঙ্গে খেলা কর্তে ছুটতাম—কৈশোরে আর সকলের প্রণয় উপেক্ষা করে যাকে ভাল বেসেছিলাম—যৌবনে পরস্ত্রী হয়েও যাকে আমার জীবন-মন ইহকাল পরকাল কারমনোবাক্যে নিবেদন করেছিলাম—আমার সেই একমাত্র আরাধ্য দেবতার মুখে হাসিটি দেখবার জন্য,—আমার সেই হৃদয়খরকে রাজেশ্বর রূপে অধিষ্ঠিত করবার জন্য—আমি কি না করেছি ! আমি আমার ঘৃণিত এক প্রৌঢ়ের গলে বরমাণ্য দান করেছি—সিংহাসন ক্রম করিবার জন্য সেই স্বামীর ধনাগার লুণ্ঠন করেছি—পরে তাঁকে তাঁর লক্ষীর সংসার হতে বিতাড়িত করেছি—। তার পর—সিংহাসন স্বেচ্ছা কর্তার জন্য

অগণিত অর্থের প্রয়োজন দেখে আত্ম-সম্মান, মনুষ্যত্বের মর্যাদা সমস্ত বিসর্জন দিয়ে হাশুমুখে এই দেহ...এই রূপ-যৌবন বিক্রয় করে কত পুত্র রাগসী ক্ষুধা তৃপ্ত করেছে ! যখন দুঃখে হাসি পেয়েছে—তখন অভিমানের অশ্রু চোখ হতে জোর করে নিংড়ে বের কর্তে হয়েছে ! যখন কষ্টে কান্না পেয়েছে—তখন অটুহাস্তে তাদের সুখী কর্তে হয়েছে—! এই যে নরকের যন্ত্রণা— কেন ? কার জন্ত ?—কেমন করে এ ব্যথা আমি মরে থাকি ?—কার হাশুমুখের দীপ্ত ছবিখানি হৃদয়ের গুপ্ততম কক্ষে একে কষ্টকে কষ্ট মনে করি না—দুঃখকে উপেক্ষা করি ? বল—বল বিস্মিসার—কে—সে ?

বিস্মিসার । সে কি জীবনের এক মুহূর্তের তরেও ভুলেছি—অঘা ?

অঘা । [ চীৎকার করিয়া ] তুমি ভুলেছ—তাই আজ বিস্ময় বিস্ফারিত নেত্রে বিজ্ঞাসা কর্ছ—“তোমার সতীত্ব ! সে কি !” তাই আজ আমার ক্রবতারার মত একনিষ্ঠ—শ্রেম নিয়েও আমি অসতী, আর—সুন্দরকের সেই কুলবধু মনে মনে তোমাকে আত্ম-সমর্পণ করেও সতীত্বের ডঙ্কা বাজাতে বাজাতে স্বর্গ লাভ কর্তে—গেছে—!

বিশ্বিসার। সে আমার নিকট আত্মসমর্পণ করেনি—তার পিতার নিকট করেনি—করেছে তার নির্ভর স্বামীর নিকট। অবলীলাক্রমে সে তার ঋনদাতা পিতাকে ফেলে তার স্বামীর সঙ্গে চলে গেল—তার শাণিত ছুরিকা বুকে পেতে নিতে—

অম্বা। তার পিতা! তার পিতা এসে পড়েছেন?—

কোথায় তিনি?

বিশ্বিসার। এইখানে—

অম্বা। এইখানে?

বিশ্বিসার। এই কক্ষে—

অম্বা। এই কক্ষে?—বিশ্বিসার, তুমি কি জ্ঞান হারিয়েছ?

বিশ্বিসার। জ্ঞান আমি হারাটিনি—হারিয়েছ তুমি।—

হারিয়েছে সেই মা—যে তার নিজের গর্ভের সন্তানকেও চিনতে পারে না।

অম্বা। বিশ্বিসার—তার অর্থ?

বিশ্বিসার। প্রথমে তার পিতাও চিনতে পারেনি আজ এই কক্ষে জ্যোৎস্নালোকে প্রথমে সে যখন তাকে দেখেছিল তখন তার মনে হয়েছিল—সেই মেয়ের মা-ই বুঝি চতুর্দশ বর্ষের পূর্বকার মূর্তি নিয়ে দাঁড়িয়ে আছে—আর পিতা তার প্রকৃতিগত কাম-দৃষ্টিতে ভ্রান্ত

হয়ে তাকেই আলিঙ্গন কর্তে ছুটে গিয়েছিল—ওঃ  
তার পর—

অম্বা । সে কি ! তার পর ?

বিদ্বিসার । তার পর, কিছুক্ষণ পরে তার মা এই কক্ষ  
এলে নির্ঝাঁক বিষয়ে আমি মুখ ফিরাতেই কক্ষগাত্রে  
ঐ প্রতিমূর্তি দেখতে পেলুম [ প্রতিমূর্তি নির্দেশ  
করিলেন ]

অম্বা । প্রতিমূর্তি !

[ প্রতিমূর্তির সম্মুখে আসিয়া ]

এ কি ! এ যে স্মৃতি !—হাঁ, তাইত ঐ তো তাঁর  
সেই ক্রমাগত—বৈরাগাময় চক্ষু—[ চীৎকার করিয়া ]  
বিদ্বিসার—বিদ্বিসার—পদ্মা তবে আমারই মেরে ?  
আমি তবে নিজের গর্ভের সন্তানকে হত্যা কবেছি !  
তুমি কি করেছ ? তুমি কি করলে ? এ কথা তুমি  
পূর্বে আমার বললে না কেন ?

[ মাথার হাত দিয়া বসিয়া পড়িলেন ]

বিদ্বিসার । তার মুখের উপর আমি তাকে আরজ বলে  
পরিচিত কর্তে পারি না অম্বা—!

অম্বা । [ হঠাৎ উঠিয়া ] ছিন্ন শির ! ছিন্ন শির !—

কোথায় তার ছিন্ন শির ?

বিষ্মসার । তার স্বামী তোমাকে খুসী করবার জন্য নিজ

হাতে তা তোমার চরণে ডালি দিতে নিয়ে আসছে ।

অম্বা ।—পালাই—পালাই—না—কোথায় সুন্দরক....

কোথায় সে ?

[ উদ্ভাস্তভাবে প্রস্থানোত্তম ]

[ সূচিত্রের প্রবেশ ]

[ সূচিত্রকে দেখিয়াই অম্বা ধমকিয়া দাঁড়াইলেন

এবং স্থির দৃষ্টিতে তাঁহার দিকে তাকাইয়া রহিলেন ]

সূচিত্র । [ অম্বাকে ] আপনিই কি আৰ্য্যা অম্বা ?

অম্বা । [ প্রশ্ন শুনিয়াই ছুই হাতে মুখ ঢাকিলেন ]

বিষ্মসার । আপনার অনুমান সত্য !

সূচিত্র । [ অম্বার প্রতি ] বেগুবনে বসে আমার কন্ঠার

ধাত্রীর হাতে তার লেখা একখানা চিঠি পেয়ে আমি

এখানে এসেছি । তাতে সে আমাকে জানিয়েছে যে

তার স্বামী আপনাকে গৃহস্বামিনী করে তাকে গৃহ-

নির্কাসিতা করেছে । কোথায় সে ? সে যে আমার

বড় স্নেহের—বড় কষ্টের ধন ! দয়া করে বলুন  
কোথায় সে—

অন্য ! [ দুই হাতে মুখ ঢাকিয়াই ] বিস্মিত—বিস্মিত  
—কোথায় সে ?

সুচিত্র । [ বিস্মিতের নাম শুনিয়াই চমকিয়া উঠিলেন—  
পরে রাজাকে চিনিতে পারিয়া ] মহারাজ—! আপনি !  
এখানে !

বিস্মিত । আর আমি মহারাজ নই ।—ভিক্ষু শ্রেষ্ঠ !—  
আজ রাজ্য নয়—আজ আমি শুধু শান্তি চাই—শান্তি  
চাই—যে শান্তি আপনার ঐ ক্ষমা-সুন্দর চক্ষে  
ভাসছে—ঐ শান্তির এক কণা আমি ভিক্ষা চাই ।  
পাবো ? ভিক্ষুর ;—বলুন পাবো ?—জলে গেল—  
জলে গেল দেহ মন জলে গেল—

[ রাজপথ দিয়া সশিষ্য বুদ্ধদেব বেগুদনে গমন করিতে  
ছিলেন । শিষ্যগণের অস্বনি ঠিক এই সময়ে শোনা  
গেল—। সহস্র কণ্ঠে ধ্বনিত হইল—‘বুদ্ধঃ শরণং  
গচ্ছামি’ ]

সুচিত্র । [ সেই ধ্বনিতে যোগ দিলেন ] বুদ্ধঃ শরণংগচ্ছামি !

বিস্মিত । [ সঙ্গে সঙ্গে বলিয়া উঠিলেন ] “বুদ্ধঃ শরণং  
গচ্ছামি ।”



সুচিত্র ! [ রাজাকে জয়ধ্বনিতে যোগদান করিতে দেখিয়া—চমকিত হইয়া তাঁহার পানে তাকাইয়া বাহিরের জয়ধ্বনির সঙ্গে সঙ্গে ] ‘ধর্ম্যং শরণং গচ্ছামি ।’

বিশ্বিসার । ধর্ম্যং শরণং গচ্ছামি ।

সুচিত্র । সংঘং শরণং গচ্ছামি !

বিশ্বিসার । সংঘং শরণং গচ্ছামি ।

সুচিত্র ! [ বিশ্বিসারকে ] বুঝেছি—তবে আপনারও ডাক এসেছে । তবে চলুন রাজা—ভগবান শিষ্যে বেহুবেনে চলেছেন—সেখানে গিয়ে একসঙ্গে প্রসাদ গ্রহণ করি—।

বিশ্বিসার । চলুন—শীঘ্র চলুন—

সুচিত্র । [ অস্থির প্রতি ] পদ্মা কোথায় - বলুন, শীঘ্র বলুন—আমার যে আর দাঁড়াবার সময় নেই !

অথা । [ উর্ধ্বে অঙ্গুলি নির্দেশ করিলেন—তাঁহার হৃদে চক্ষু হইতে অশ্রু-ধারা বহিতেছিল ]

সুচিত্র ।—ওকি আর্থ্যে ?

বিশ্বিসার । ভিক্ষুবর সংক্ষেপে শুনে রাখুন—সে স্বর্গে—।

সুচিত্র । [ স্তম্ভিত হইয়া পরে প্রশান্ত ভাবে ]—যাক আজ তবে যুক্তি, প্রথম যখন ভগবানের চরণতলে আশ্রয় নিলুম—কিছুদিন পরে ভগবান বলেন—‘সংসারে

তোমার প্রয়োজন হয়েছে—গৃহে যাও ।’ দুই বৎসর পরে গৃহে যেরে দেখি আমার স্ত্রী একটি কন্যা সন্তান প্রসব করে ; আমার গৃহ প্রত্যাগমনের অব্যবহিত পূর্বে গৃহত্যাগ করে নিরুদ্দেশ হয়েছেন । সেই মাতৃহারা শিশুকে ভগবানের দান মনে করে, ফেলতে পারলুম না—কি কষ্টেই না তাকে আমার লালন পালন কর্তে হল—তার পর সে বিবাহ যোগ্যা হলে তাকে তারই মনোনীত স্বামীর হাতে সমর্পণ করে প্রব্রজ্যা গ্রহণ করলুম—কিন্তু মায়ামুক্ত হতে পারিনি । আজ আমার জীবনের সেই একমাত্র স্নেহ বন্ধন ধসে গেল !...

[ সকলেই নিস্তব্ধ রহিলেন—পরে সূচিত্র সেই নিস্তব্ধতা ভঙ্গ করিয়া কহিলেন ] চলুন মহারাজ—[ ধীর পাদ বিক্ষেপে উভয়ে যাইতেছিলেন এমন সময় পশ্চাৎ হইতে অশ্বা বিম্বিসারকে আবেগ পূর্ণ কণ্ঠে ডাকিলেন । ]

অশ্বা । বিম্বিসার, দাঁড়াও ।

[ বিম্বিসার এবং সঙ্গে সঙ্গে সূচিত্র কিরিয়া দাঁড়াইলেন । ]

[ বিম্বিসারের প্রতি ] তুমি আমার আদেশ পালন করবে বলেছিলে—সেই আদেশ আমি এখন করব ।

বিদ্বিসার । এখন ! এখন যে তুমি আদেশ করবে শুনে

ভয়ে আমার সর্বাস্ত শিউরে উঠছে অম্বা—

অম্বা । তোমার প্রতিশ্রুতি রক্ষা কর—

বিদ্বিসার । হঁ । বেশ...কি আদেশ ?

অম্বা । এই রাজদণ্ড গ্রহণ করে আমার মুক্তি দাও—

বিদ্বিসার । [ নতজানু হইয়া ] অম্বা—কমা কর—কমা কর

অম্বা—

অম্বা । [ অবিচলিত হৃদয়ে দৃঢ়বরে ]—নাও, আমার

আদেশ, নাও—

বিদ্বিসার । [ উঠিয়া ] কিন্তু—

অম্বা । আর কিন্তু নেই ।—নাও—আমার আদেশ পালন

কর—

বিদ্বিসার । [ রাজদণ্ড গ্রহণ করিয়া ] তবু—

অম্বা । বৃথা অনুনয় । নৃপতি বিদ্বিসার—তুমি তোমার

সম্পূর্ণ জ্ঞাতসারে আমাকে দিয়ে আমার কণ্ঠকে হত্যা

করিয়েছ—এ তারি প্রতিশোধে—[ পৈশাচিক হাস্য ]

হাঃ হাঃ হাঃ [ পরে হঠাৎ শাস্ত হইয়া ] চলুন

ভিক্ষুবর—

সুচিত্র । কোথায় ?

অম্বা । যেখানে আপনি চলেছেন ।

সুচিত্র । আমি বেগুবনে যাচ্ছি !

অম্বা । আমিও বেগুবনে যাব ।

সুচিত্র । বেগুবনে ?

অম্বা । হাঁ, বেগুবনে ।

সুচিত্র । কেন যাচ্ছেন জিজ্ঞাসা কর্তে পারি কি ?

অম্বা । রাজা বিশ্বিসার যাচ্ছিলেন কেন ?

সুচিত্র । বোধ হয় তাঁর আহ্বান এসেছিল—

অম্বা । আমারও আহ্বান এসেছে । শুধু একজনের আহ্বান নয়—ছয়জনের । আমার ভুল ভেঙ্গে দেওয়ার জন্য স্বর্গ হতে ডাকছে পদ্মা—আর স্বর্গ কি নরক জানি না—সেখান হতে মায়াবিনীর স্বরে ডাকছে সুরূপা । কোথায় যাব ঠিক করতেই বেগুবনে চলেছি ।

সুচিত্রা ।—একি !—তবে তুমিই সেই...এতক্ষণে বুঝলুম ।

হঁ—এমন পরীক্ষার আর কখনো পড়িনি । [ কি

ভাবিলেন—পরে অবিচলিত চিত্তে ]—বেশ, এসো ।

বিশ্বিসার । শুধুন ভিক্ষুবর—আজ আমার নবজীবনের

সূত্রপাত । তাকে পুণ্য-পুত্র কর্তে চাই—ভগবান

তথাগতের মঙ্গলশীষে । আমি তাঁকে এখানে নিমন্ত্রণ

করি—

সুচিত্র । বেশ—আমি তাঁর নিকট যেরে এ নিমন্ত্রণ জ্ঞাপন  
কছি—তিনি বোধ হয় সশিষ্যে এই গৃহের সম্মুখেই  
এসে পড়েছেন । তবে আমি আসি—

অম্বা । [ বিস্মিতারের প্রতি ] আমিও আসি রাজা ।

[ উভয়ের প্রস্থান ।

[ বিস্মিতার তাঁহাদিগের দিকে তাকাইয়া রহিলেন ;  
পরে তাঁহারা দৃষ্টির বহির্ভূত হইলে তাঁহাদিগকে দেখা  
যায় কি না দেখিবার জন্য বাতায়ন পার্শ্বে আসিয়া  
দাঁড়াইলেন ]

[ অলিন্দ সংলগ্ন দ্বার পথে সুন্দরকের প্রবেশ )

সুন্দরক । রাজা—অম্বা কই ?

বিস্মিতার । [ চমকিয়া উঠিয়া ]—কে—সুন্দরক ? পদ্মা...

[ মুখ ঘুরাইয়া ] না, যাও, তুমি আমার মুখ দেখিরো  
না—যাও—দূর হও—

সুন্দরক । [ কিংকর্তব্য বিমূঢ় হইয়া ] হাঁ, যাব, কিন্তু একটু  
প্রয়োজন আছে । একবার অম্বার সঙ্গে দেখা কর  
তবে যাব ।

বিধিসার । [ তাঁহার দিকে কি না তাকাইয়া ] আমার  
সম্মুখে তার ছিন্ন শির বের কোরোনা—সাবধান—যাও  
সেই রাক্ষসীর চরণে ডালি দিবে এস—

সুন্দরক । রাজা—রাজা—আমি সেই রাক্ষসীর চরণে ছিন্ন  
শির ডালি দেব বলেই এসেছি ।—তবে সে ছিন্ন শির  
পদ্যার নয়—আমার ।

বিধিসার ।—সে কি !

সুন্দরক । রাজা—যে প্রাণে তার বৃকে ছুরি বসিয়ে  
দিতুম—সে প্রাণকে সে-ই একদিন মৃত্যুর ছয়ার হাতে  
কিরিয়ে এনেছিল—তার-ই দেওয়া প্রাণে তাকে আঘাত  
করবার কতটুকু শক্তি থাকে রাজা ? আমি তাকে  
হত্যা করিনি । রাজ-আজ্ঞা অমান্য করে তাকে আমি  
মুক্তি দিয়েছি—। মুক্তি দিবে কিরে এসেছি । রাজ-  
আজ্ঞা অমান্যের অস্ত্র—শাস্তি স্বরূপ এই লম্পট হত-  
ভাগ্যের ছিন্নমুণ্ড তাঁর চরণে ডালি দিতে—।

বিধিসার । বটে, বটে, সুন্দরক [ ছুটিয়া সুন্দরকের  
হাত ধরিয়া ] সে বেঁচে আছে ? তবে সে বেঁচে  
আছে ?

সুন্দরক । শুধু বেঁচে নেই—জীবনে রসে ভরপুর হয়ে  
আছে । ঐ বৃদ্ধ দেবের শিষ্য দলের আগে আগে

সে তার দিব্য দীপ্তিতে পথ আলোকিত করে  
চলেছে—

বিষ্ণিসারন সুন্দরক ! আমায় কমা কর ভূমি—ভূমি

জানো না সে আমার কে ?

সুন্দরক । কে ?

বিষ্ণিসার । সে আমার—সে আমার কস্তা !

[ বাহিরের দ্বার পথে পদ্মার প্রবেশ ]

পদ্মা । [ বিষ্ণিসারের নিকট ছুটিয়া ধাইয়া ] শুন্তে পেলুম

এখানে বাবা এসেছিলেন—তিনি কোথায় রাজা ?

বিষ্ণিসার । তিনি এইমাত্র তোমার মাকে সঙ্গে নিয়ে

ভগবান বুদ্ধদেবকে এখানে নিমন্ত্রণ করে আনতে

গিয়াছেন—

পদ্মা । মা ! আমার মা !

বিষ্ণিসার । হাঁ, তোমার মা—

পদ্মা । যে আমার পিতাকে বঞ্চনা করেছিল—সেই মা ?

বিষ্ণিসার । তবু তোমার গর্ভে ধরেছিল—পদ্মা !

পদ্মা ।—কৃতার্থ করেছিল !—

বিষ্মার । জননী অশ্রুকার পাত্রী নয় মা !

পদ্মা । গর্ভে ধারণ করাতেই নারী সন্তানের পূজ্যা হয় না  
রাজা ! অসহায় সন্তানকে লালন পালন করাতেই  
মা সন্তানের দেবতা—যে তা না করে—সে মা নয়—  
রাক্ষসী । কোথায় সে ?

[ সোলাসে অঘোর প্রবেশ ]

অঘা । [ ছুটিয়া বিষ্মারের সন্মুখে যাইয়া ] শোন  
রাজা—ভগবান আমার নিমন্ত্রণ গ্রহণ করেছেন—কি  
অর্থ্য দেব জান ? —

সুন্দরক । [ পদ্মাকে জনান্তিকে ] পদ্ম—পালাও—  
পালাও ।

পদ্মা । কেন পালাব স্বামী ?

অঘা । [ ঐ কথা শুনিয়াই চমকিয়া উঠিয়া তাকাইয়া  
দেখেন—পদ্মা ]—পদ্মা—তুই ? [ ছুটিয়া যাইয়া  
তাঁহাকে অড়াইয়া ধরিলেন ] এ কি স্বপ্ন না সত্য ?

সুন্দরক । তবে তুমি একে হত্যা করনি ?

সুন্দরক । [ অগ্ন দিকে মুখ ফিরাইয়া ] না—বিনিময়ে  
নিজের শির দিতে এসেছি—



অন্য। আমার কান্না পাচ্ছে—আমার কান্না পাচ্ছে !  
 সুন্দরক—যদি একে হত্যা কর্তে—তবে তোমাকে কি  
 কর্তুম জান ? [ উত্তর না পাইয়া কটি হইতে শাণিত  
 ছুরিকা বাহির করিয়া—রোধ কষারিত নয়নে ]—তা  
 হলে তোমার আমি স্বহস্তে হত্যা কর্তুম । [ আবেগে ]  
 আনন্দে আমার কান্না পাচ্ছে ! আর মা—  
 আমার বুকে আঘ । [ এই বলিয়া পদ্মাকে জড়াইয়া  
 ধরিলেন ]

পদ্মা । [ তাঁহার আলিঙ্গন হইতে মুক্ত হইতে চেষ্টা  
 করিতে করিতে ]—ছাড়ো—আমার ছেড়ে দাও  
 তুমি—

অন্য । [ হঠাৎ তাঁহাকে ছাড়িয়া দিয়া মিনতিপূর্ণ  
 স্বরে ] আমার কমা কর মা—আজ ভাগ্যদোষে  
 আমি অন্য—কিন্তু [ পদ্মার কানে কানে কি  
 কাহিলেন ]

পদ্মা । বটে ! তুমিই সেই রাকসী ? স্বীকার না হয়  
 করলাম তুমি আমাকে গর্ভে ধরেছিলে—কিন্তু তোমার  
 লালসার ক্ষুধা পরিতৃপ্ত কর্তে যেয়ে, আমার গর্ভে  
 ধরেছিলে ব'লেই মায়ের গৌরব লাভ কর্তে তোমার  
 কি অধিকার আছে ? মায়ের কাজ তুমি কি করেছ ?

তুমি আবার মা ! [ অম্বা এক পাশে যাইয়া মুখ নত  
করিয়া রহিলেন ]

[ সূচিত্রের প্রবেশ ]

সূচিত্র । [ পদ্মার প্রতি ] মা—ভগবানের নিকট স্তনলুম  
তুই প্রত্যাশা গ্রহণ কর্তে গিয়েছিলি—আমি জানতাম  
তুই আমাকে মায়া যুক্ত করে অন্যের মত চলে  
গেছিস্ !

পদ্মা । বাবা—বাবা—[ ছুটিয়া তাঁহার বুকে পড়িয়া—  
অম্বাকে দেখাইয়া ] দেখছ ? দেখছ ? ঐ রাক্ষসীকে  
দেখছ ?—চল এখান থেকে পালাই ।

সূচিত্র । রাক্ষসী নয় মা—তোমার জননী...স্বর্গাদপি  
গরিবসী জননী ! পদ্মা এই তোমার মা !

পদ্মা । [সূচিত্রের প্রতি] বাবা—ও মা নয়—ও রাক্ষসী—

সূচিত্র । যখন ওকে আমি ক্ষমা কর্তে পেরেছি, তখন  
তুই কেন পারবি না মা ?—স্বরূপা এই নাও...  
তোমার মেয়ে নাও ।

[ পদ্মাকে অম্বার হাতে সঁপিয়া দিলেন ]

অম্বা । [ আনত মুখেই ঋণকাল শুরু থাকিয়া পরে মুখ ]  
 তুলিয়া ] আশায় তুমি স্পর্শ কোরো না—মা !—আমি  
 অন্য অগতের—[ মুখ নামাইলেন ]

[ দ্বারে করাঘাত হইল ]

শুচিত্র । [ শশব্যস্ত ] ভগবান—ভগবান ! [ বিধিসার  
 ত্রিংশপদে বাইরা—দারোদ্রাটন করিলেন । শাস্ত—  
 সৌম্য প্রসন্ন-নয়ন পূর্ণ-দর্শন মূর্তিমান বুদ্ধদেব দৃষ্টিগোচর  
 হইলেন । কি এক স্বর্গীয় আভায় কক্ষ দীপ্তোজ্জল  
 হইল । ]

[ অম্বা ব্যতীত সকলে আনুত্তি করিলেন । ]

“বুদ্ধঃ	শরণং	গচ্ছামি”
“ধর্ম্মঃ	শরণং	গচ্ছামি”
“সংঘঃ	শরণং	গচ্ছামি ।”

[ আবৃত্তি অন্তে তাঁহারা প্রণত হইলেন । ভগবান তাঁহার কর-কমল সম্মুখে প্রসারিত করিয়া প্রমত্ত হস্তে সকলকে আশীর্বাদ করিলেন । ]

[ একমাত্র অম্বা বিদ্রোহিনীর মত একধারে উন্নত গ্রীবার দাঁড়াইয়া রহিলেন ]

বিষ্ণিসার । আজ আমি ধন্য । আজ আমার গৃহ ভগবানের পদরঞ্জ স্পর্শে সার্থক হল—

অম্বা । [ ধীরে, অথচ সুস্পষ্ট স্বরে—বিষ্ণিসারের প্রতি বক্রদৃষ্টিতে তাকাইয়া ] গৃহ আমার—তোমার নয় রাজা ।

বিষ্ণিসার । [ স্তম্ভিত হইয়া, পবে ] বেশ !—ভগবান্ ! আগামী প্রভাতে আমার রাজপ্রাসাদে সশিষ্য আপনার নিমন্ত্রণ.....

অম্বা । [ প্রশান্ত গম্ভীর স্বরে ] ভগবান সপ্তাহকাল এ গৃহে অবস্থান করবেন—আমাকে কথা দিয়েছেন ।—

বিষ্ণিসার । [ নিফল রোষে ]—এক পতিতার কুটির—  
অম্বা । এ আর পতিতার কুটির নয়—এ এখন পতিত-পাবনের আশ্রম । আমার যথাসর্ব্ব্ব আমি সজ্জ্ব দান করেছি—এ এখন সজ্জ্ব সম্পত্তি—

সুচিত্র : [ অথাকে ] আর তুমি ?

অথ। আমি—আমি—আমার ঋণতারার পানে চেয়ে  
থাকব।

বুদ্ধদেব। [ দুই হাত তুলিয়া আশীর্বাদ করিলেন ] স্বস্তি—  
স্বস্তি—স্বস্তি—

[ সমবেত গীত ]

শ্রীষন যুনাঈ অয় স্তুগত জয় হে ।  
প্রচার প্রেম যার কোটি বিশ্বময় হে ॥

বুদ্ধং শরণং গচ্ছামি !

ভিক্ষু জন শ্রমণগণ শরণ পাপহারী ।  
সংঘ রাজ সিদ্ধবাক্ ধর্ম প্রেমচারী ॥

মোক্ষ বিধায় পুত্র পাদপদ্মদ্বয় হে ।

ধর্মং শরণং গচ্ছামি ॥

উদ্যান গান তপ্ত প্রাণ, সত্য ধ্যানধারী ।  
মহান নির্ঝাণ দান দুঃখ জাণ কারী ॥

বুদ্ধ অমিতাভ হর ক্রুদ্ধ মার ভয় হে ।

সংঘং শরণং গচ্ছামি ।

স্ববনিকা

## মুক্তিমন্ত্র-ডাক

"ছোট্ট একখানি ছবির মত বই ! এক দৃশ্যে সম্পূর্ণ ।  
ভারস্বর্ষে বৌদ্ধপ্রভাব যখন অপ্রতিহত বেগে প্রধাবিত  
হইয়াছিল, আপামর-সাধারণ ভগবান-বুদ্ধের শরণ লইয়া  
মুক্তিমার্গের সন্ধানে ছুটিাছিল--আখ্যায়িকাটি সেই  
সময়কার . একটা কুহেলিকাবৃত ভাস্কির পথে চলিতে  
চলিতে যেদিন নাটিকার চারিটি নায়ক নাটিকা হঠাৎ  
যখন মেঘমুক্ত স্বর্ষোর রূপ দেখিতে পাইল, তখন তাহাদের  
জীবনের গতি এক ভীষণ অভিশাপ তরঙ্গে নিমজ্জিত হইয়া  
গেল । তখন বুদ্ধের মুক্তিমন্ত্র গ্রহণ করা ছাড়া আর  
কাহারই কোন উপায় রহিল না । শেষ পর্য্যন্ত দর্শককে  
মন্ত্রমুগ্ধ করিয়া রাখিতে পারে এই নাটিকাখানি ।" 'শিল্পির'  
১৩ই পৌষ শনিবার, ১৩৩০ সাল ।

